



Dai 23 cina ai 28 de agost é gnü organisé dala Uniun Sport Amatoriala La Val la terza ediziun dl “Viola Football Camp”. Chësc iade àl tut pert 51 mituns. A d’alenè y insigné les tecniches dl palê é stè cater alenadus che à na gran esperiënza te chësc setur. Plü avisa se tràtel de Rizzo Francesco (ex sógadù de “serie A” y nazionala taliana) che se à dè jö cun les tecniches da stopè y le saltè cun le pal. Mancini Oliviero che à insigné le “dribbling” y le colp te porta.

Mancini Fabrizio (le möt de Oliviero) che à fat esercizi de velocità y forza. Ricetelli Carlo (ex secundo portier dla Roma) che ti à insigné ai portiers les tecniches de basa por diventè n bun portier. Bele le pröm dé àn odü che i mituns à n gran interès da imparè valch de nü, an à odü düc che metò dër averda ci che i alenadus dijô y se porvâ. Cun gran plajëi ùnse podü aldì dai alenadus che chësc é stè le grup cina sègn che se à porvè le plü y olache al ê na gran disciplina. Chësc à dessigü portè de bugn früc a düc i mituns. Na gran fortuna é stè cun le tēmp che é stè dōta l’edema dër bel, i podōn insciö jì inant cun dōt le program dl camp. Le camp é gnü stlüt jö la sabeda olache al é gnü fat scuadres moscedades y spo gnü sóghé n pice tornê. Atira àn odü i mioramēnc suradōt dl jüch y dla posiziun te ciamp di singui sógadus. Do le tornê é gnü fat na picia premiaziun olache al é gnü partì fora n atestat de partezipaziun al camp cun les firmes di alenadus. Le president dla Uniun Sport Amatoriala La Val à rengrazié düc i voluntars che à daidè organisé le camp suradōt Sottara Fabian y Ploner Martin y les cōghes che à cujiné dër bun dōta l’edema. N giulan particolar ti va inçe ai cater sponsors: Cassa Raiffeisen Val Badia, Edilfer, Selgas y Impianti Colfosco.

Por ciaré ales foto clicca. [FOTO](#)

